



**Interni broj postupka JN: TD-08-39-3/25**

**Sarajevo, 06-01-2025. godine**

Na osnovu člana 69. stav (2) pod d) Zakona o javnim nabavkama („Službeni glasnik BiH” broj 39/14, 59/22 i 50/24) – u tekstu: Zakon, i člana 47. Statuta KJKP „Sarajevogas” d.o.o. Direktor Preduzeća **d o n o s i:**

## **O D L U K U** **o poništenju postupka javne nabavke**

### **Član 1.**

Poništava se otvoreni postupak za javnu nabavku roba: **“Postrojenja za regulaciju pritiska prirodnog gasa”**, internog evidencijskog broja TD-08-39/25, **procijenjene vrijednosti 1.000.000,00 KM bez PDV-a**, čija je nabavka oglašena na Portalu javnih nabavki BiH pod brojem broj 17-1-1-143-3-124/25 dana 10.10.2025. godine. Predmetni postupak se stoga u skladu s odredbama člana 69. stav (2) pod d) Zakona poništava jer nijedna od primljenih ponuda nije prihvatljiva.

## **O B R A Z L O Ž E N J E**

U postupku javne nabavke roba: “Postrojenja za regulaciju pritiska prirodnog gasa” internog evidencijskog broja: TD-08-39/25 objavljenom na Portalu javnih nabavki 10.4.2025. godine (broj obavještenja o nabavci 17-1-1-70-3-61/25), rok za dostavljanje ponude je bio 26.11.2025. godine do 12:00h.

U određenom krajnjem roku Ugovorni organ je zaprimio dvije ponude, i to: ponudu grupe ponuđača Grizelj-Group d.o.o. Sarajevo i Tipex-As d.o.o. i ponudu ponuđača Fagas d.o.o. Sarajevo.

Nakon izvršenog otvaranja ponuda Komisija je pristupila analizi dokumentacije iz pristiglih ponuda u smislu provjere njihove validnosti, obzirom na iskazane zahtjeve ugovornog organa u tenderskoj dokumentaciji, odnosno vrednovanju ponude u skladu sa pravilima i procedurama utvrđenim tenderskom dokumentacijom i Zakonom i podzakonskim aktima.

### **a. Grupa ponuđača: GRIZELJ-GROUP d.o.o. Sarajevo i TIPEX AS d.o.o. Novi Sad**

Ponuda grupe ponuđača GRIZELJ-GROUP d.o.o. Sarajevo i TIPEX AS d.o.o. Novi Sad ocijenjena je kao nepravilna, budući da u ponudi nisu dostavljeni dokazi zahtijevani tenderskom dokumentacijom.

Naime, ponuđač nije dostavio dokaz tražen tačkom 7.4.1. – Tehnička i profesionalna sposobnost, podtačka p), kojom je propisano sljedeće:

*„Ponuđač za ponuđeno mjerilo protoka gasa i korektor (stavka 3. iz Obrasca za cijenu ponude) mora obezbijediti odobrenje tipa izdato od Instituta za mjeriteljstvo BiH”*

Kao dokaz, ponuđač je bio dužan dostaviti:

*„Original ili ovjerena kopija odobrenje tipa izdato od Instituta za mjeriteljstvo BiH”*

Komisija je utvrdila da traženi dokaz nije dostavljen, zbog čega se ponuda smatra nepravilnom.

Također ističemo da je Komisija je utvrdila sljedeće:

- Na stranici 380. ponude dostavljena je Potvrda o ispitivanju od 18.11.2025. godine, koja nije ovjerena (bez službenog pečata), bez jasno navedenih podataka o pružaocu usluge ispitivanja i odobrenja tipa. Također, iz sadržaja potvrde proizlazi da je „postupak ispitivanja i odobrenja tipa mjerila u toku”, što ne predstavlja traženi dokaz u skladu s tenderskom dokumentacijom.
- Na stranici 381. ponude dostavljena je obična kopija Certifikata o pregledu tipa mjerila broj: RS-23-027-MI002-5-DMDM od 29.12.2023. godine.
- Na stranici 382. ponude ponovo je dostavljena Potvrda o ispitivanju od 18.11.2025. godine sa istim nedostacima kao i prethodno navedena potvrda.
- Na stranici 383. ponude dostavljena je obična kopija Certifikata o pregledu tipa mjerila broj: RS-25-015-MI002-6-DMDM od 28.10.2023. godine.
- Na stranici 384. ponude dostavljena je obična kopija u boji ovlaštenja proizvođača Common S.A. za prodaju, servis i održavanje opreme.



S obzirom na navedeno, Komisija je zaključila da ponuđač nije dostavio traženi dokaz u formi i sadržaju propisanom tenderskom dokumentacijom, te se ponuda ocjenjuje kao nepravilna.

**b. Ponuđač: Fagas d.o.o. Sarajevo**

Komisija je uvidom u ponudu ponuđača Fagas d.o.o. Sarajevo utvrdila da je ponuda nepravilna, jer nisu dostavljeni dokazi u skladu sa zahtjevima tenderske dokumentacije.

Naime, ponuđač je na stranici 469. ponude dostavio Garanciju za ozbiljnost ponude broj: 43378/25 od 24.11.2025. godine, izdatu od Intesa Sanpaolo Banke d.d., koja je bila zahtijevana tačkom 12. Tenderske dokumentacije.

Međutim, Komisija je utvrdila da navedena garancija nije pravilno popunjena, jer iznos garancije nije usklađen u brojčanom i slovnom obliku. Konkretno:

- brojčani iznos je naveden kao 15.000,00 KM,
- dok je slovima naveden iznos: „trihiljadečetiristotinepedeset konvertibilnih maraka i 00/100 KM“.

Zbog ove neusaglašenosti, garancija se ne može smatrati važećim i prihvatljivim dokazom, budući da je tenderskom dokumentacijom propisano da ponuđači moraju dostaviti originalnu, bezuslovnu bankarsku garanciju za ozbiljnost ponude u iznosu od 1,5% procijenjene vrijednosti javne nabavke, koja mora važiti tokom cijelog perioda opcije ponude.

**Iz navedenih razloga, ponuda ponuđača Fagas d.o.o. Sarajevo ocjenjuje se kao nepravilna.**

Komisija za provođenje postupaka javnih nabavki roba, usluga i radova jednoglasno je predložila Direktor da u skladu sa odredbama člana 69. stav (2) tačka d) Zakona o javnim nabavkama BiH donese Odluku o poništenju predmetnog postupka javne nabavke jer nijedna zaprimljena ponuda nije prihvatljiva niti pravilna.

U postupku ocjene provedenog postupka Direktor nije našao razloge, nepravilnosti niti propuste u radu, koji bi eventualno bili osnov za neprihvatanje prijedloga Komisije za javnu nabavku. Naime, u postupku je ocijenjeno da je Komisija u svemu pravilno postupila te da je Odluka o poništenju postupka javne nabavke donesena jednoglasno u skladu sa Zakonom o javnim nabavkama, podzakonskim aktima i tenderskom dokumentacijom.

Iz navedenih razloga, primjenom člana 69. stav (2) tačka d) Zakona o javnim nabavkama, odlučeno je kao u dispozitivu ove Odluke.

**Pouka o pravnom lijeku:**

Shodno odredbama člana Zakona o javnim nabavkama („Službeni glasnik BiH” broj 39/14, 59/22 i 50/24) žalba se može izjaviti najkasnije deset (10) dana po prijemu ove odluke.

Žalba se izjavljuje u pisanoj formi, u dovoljnom broju primjeraka, URŽ-u putem Ugovornog organa direktno, elektronskim putem ili preporučenom poštanskom pošiljkom.

KJKP "Sarajevogas" d.o.o. Sarajevo  
Direktor  


Broj protokola: 0801-03-14/26

Dostaviti:

1. Službi za javne nabavke, Arhivi Preduzeća, a/a